



26. februar 2007

### § 36 malillugu apeqquteqaat akit assigiikkunnaarsitaanerisa kingunerisassaas pillugit

Inatsisartut Ingerlatsinermut Inatsisaanni § 36, stk. 1 malillugu matumuuna Naalackersuisunut apeqquteqaateqarpunga innaallagissamut imermullu akit assigiikkunnaarsinneqarnerisa kingunerisassaas pillugit. Assigiimmik akeqartitsinerup iluarsartuussivigineqarnerani ilisimaneqartutut tunulequtarineqarpoq innaallagissap erngullu aningaasartuutitaviisa saqqummersinnissaas, taamalu tapiissuteqartarneq oqilisaassiffiginiassallugu takuneqarsinnaanerusunillu tapiissuteqartallissallun i.

1. Nukissiorfiit ilisimaneqartutut innaallagissap erngullu akii 1. januar 2007qaffaavigai. Tamanna tunulequtaralugu kissaatiginarpoq tunulequtaasoq paasissallugu qanorpiaq Nukissiorfiit innaallagissamut imermullu aningaasartuutaasartut naatsorsorsimaneraas.
2. Kissaatigineqarpoq innaallagissamut imermullu akiviusunut ullumikkullu akigititaasunut takussutissiat ukiuni kingullerni pingasuneersut takussutissiornissaas, illoqarfinnut, nunaqarfinnut nukissiorfinnullu ataasiakkaanut agguataarlugit.
3. Kissaatigineqarpoq innaallagissamik imermillu atuineq illoqarfinnut, nunaqarfinni imalt. Nukissiorfinnut ataasiakkaanut ukiut kingulliit pingasut eqqarsaatigalugit takussutissiorneqassasut, taamaaliornikkut apeqqutinut kissaatigineqartunullu takussutissaqalissagatta.
4. Akit assigiittussaanerini aalajangersakkap iluarsartuussivineqaqqinneranut akuersissuteqarnermut atasumik Naalackersuisunit nalunaarutigineqarpoq, naatsorsuutigi-neqartariaqartoq atuisut suliffeqarfiillu akisunerulerfiusimasuni sipaarnerulerumaartut. Taama akinik malussarissuseq atuinermi malunniussimanerluni? Taamaattoqarsimassappat kissaatiginarpoq paasissutissinneqassalluni sutigit piffinni aalajangersuni atueriaaseq allannguuteqarsimanersoq.
  - a. Ilanngullugu paasitinneqarnissaq kissaatigineqarpoq ilumut eqqortumik paasineqarsimanersoq nalinginnaasumik atuineq annikinnerulersimassappat piffinni aalajangersuni kinguneriumaarneraa piffinni pineqartuni aningaasartuutit matussutissikkumallugit akinik qaffaasariaqalernissaq akinik qaffasinnerpaaffissatut killiussap qaangerneqannginnissaa angusinnaajumallugu?
  - b. Naalackersuisut periarfissaqarfiusorinerpaat piffinni aalajangersuni akinik qaffaaviusimasuni atuinerup killilersimaarneqarnissaa, taannalu akikilliliiviusuni atuinerup anertunerulersinnaanera?
5. Naalackersuisut oqarput pissusiviusut imaattut, ilanngaasit minnerpaaffissaas qaffarneqarpat akileraarutillu qaffarpata 1. januar 2005 atuutilersumik akit qaffariarnerat atuisunut amerlanerpaanut nalimmassaataajumaartoq. Tamanna soorunami taama sunniunnavianngilaq anagerlarsimaffinni akileraarutiniq oqilisaassinermit eqqorneqanngitsunut, illoqarfinni nunaqarfinnilu akinik qaffaavigineqartuni najugaqartunut. Taamanna tunulequtaralugu paaserusunarpoq, Naalaackersuisut Kalaallit Nunaanni tamani tamaani sunniutaasussat akileraarutitigut oqilisaassinerup, akit allanngornerisa atuinerullu allanngornerata kingunerisassaasnik takussutissianik?
  - a. Taamaattoqarsimanngippat suut Naalackersuisunut pitsaaqutaappat taama takussutissiorortoqarsimanngimmat?



6. Tusagassiutitigut (AG nr. 1, 2007) paasissutissat saqqummiunneqarput illoqarfinni minnerusuni amerlanerpaani najugaqartut nalinginnaasumillu atuiffiusuni innaallagissamut imermullu 2007-imi aningaasartuutaat 8.000 kr. missiliorlugit qaffiarumaartut Nuummi missigi-saannik atuisartunut sanilliullutik. Taama paasissutissiissutit Naalakkersuisut tamakkiisumik ilaannakortumilluunniit ilumoornerarsinnaanerpaat, Naalakkersuisullu suli tassa isumaqarpat angerlarsimaffiit pineqartut akit assigiittussaataitanerata iluarsartuussiffigeqqinneratigut akit leraarutillu allangortinnerisigut ilumut iluanaarutissarsisimassanersut?

Akinik naligiittussaajunnaarsitsinermut atatillugu Naalakkersuisut saqqummiuteqqaagaanni oqaatigineqarpoq taamanikkut aalisakkeriveqarfinni akigitinneqartut akiviusuninngaanniit annikinneroqisut atuutsinneqartut. Imaappoq aalisakkanik suliffissuit assigiimmik akeqartitsineq aq-qutigalugu akikillileriffigineqartarput. Taamaattumik akit assigiikkunnaarnissaannut suleqatigiis-sitat siunnersuuteqarput aalisakkeriveqarfinni 1. januar 2009 aallarnerfigalugu akit appasinner-paaffiannut inissinneqassasut, taamaattorli annerpaamik akiviusut najoqqutaralugit akiliisinne-qartassallutik. Aalisakkerivinni akit qaffiartornerat 1. januar 2005-imiit 1. januar 2009-mut agguataarneqassasut. Ilusiliivinnermili aalajangerneqarpoq aalisakkanik suliffissuit najukkami innaallagissamut imermullu akigitinneqartup pingasoraarterutaannaanik akiliisinneqartassasut. Aalisakkanik suliffissuit innaallagissamut imermullu akiviusut aqutigalugit akikilliliivigeneqarne-rat ingerlaannarpoq, tamannalu iluarsartuusseqqinnerup siunertaanut nalequtinngilluinnarpoq. Paarlattuanilli aalajangerneqarpoq aalisakkanik suliffissuit suliffissuarni nutaaliornernut anner-tunerusumilluunniit tunisassiorsinnaalernissamut aningaasaliissuteqartassasut pisortatigut anin-gaasaliissuteqartussaasimagaangat. Naalakkersuisut Aningaasanik Inatsimmi pisussaatinneqarput aningaasaliissutigisartagassat annertussusissaannik aalajangersaaqqullugit aalisakkanik suliffis-suaqarfik oqaloqatigeqqaarlugu.

7. Aalisakkeriviit aningaasaliissutissanut tapiissuteqartarnissaannut Naalakkersuisut sunimmita tunngavilersuuteqarpat?
8. Naalakkersuisut iluarsartuusseqqinnissap akuersissutigineqarneraniit aalisakkanik suliffis-suaqarfiit aningaasaleeqataasalernissaat pillugu oqaloqateqartarsimanerlutik?
9. Naalakkersuisut assigiimmik akeqartitsiunnaarnissap akuersissutigineqarnerata kingornagut aalisakkanik suliffissuit aningaasaleeqataassutissaannik piumasaqarfigisimanerlugit?
10. Naalakkersuisut isumaat malillugu suliffeqarfiit innaallagissamik imermillu akikinnerutitsif-finnut kajungernerulersimanerlutik?

Ilisimaneqartutut piginneqatigiiffik Sigguk A/S tamanut ammasumik nalunaaruteqarpoq Aasian-ni nutaamik aalisakkeriviliorniarluni Royal Greenlandip suliffissuata saniatigut aammalu aali-sakkanik suliffissuit allat suleqatiginiarlugit.

11. Naalakkersuisut naatsorsuutiginerpaat aningaasaleeqataassutissanik akiliisitsiniarnissaq, Aa-sianni aalisakkanik suliffissuassap pilersuineq eqqarsaatigalugu annertusaasoqassappat ta-mannalu pisortat pilersuinermi aningaasartuutaanut annertusaasuussappat? Taamaattoqarsi-manngippat paaserusunnarpoq soq taamaaliortoqarsimannginnersoq.
12. Assigiinnik akeqartitsinerup iluarsartuussiffigeqqinneratigut taamanikkut Naalakkersuisuu-sunit saqqummiunneqarpoq akit akigitinneqartullu iluarsartuussiffigeqqinneqarnerisa taman-na pissusissamisoortumik kingunerinnaraat ilaatigut timmisartornermut billetsit assigiimmil-lu angallassinermut pissuserineqartut kaputartuullugit tapiiffigineqartarnerat allangortinne-



qarmat. Taamaattumik taanna tunulequtaralugu paaserusunnarpoq maannakkut Naalakkersuisusut sulissutiginiarneraat akiviusunik atulersitsiartornissaq akiviusut saqquminerulersillugit.

- a. Taamaattoqarsimappat paaserusunnarpoq Naalakkersuisut anguniakkat tamakku pilugit sukkut aallarertiartoqassanersoq.

13. Naalakkersuisut pineqartumut paasissutissanik pingaartunik allanik saqqummiussassaqaarnerput?

Inussiarnersumik kissaatigissavara akissutissat ullumikkumiit sap.ak. marluk qaangiutsinnagit tunniuteqqullugit allaganngorlugit elektronik atorlugu qallunaatut kalaallisullu uunga [lekn@gh.gl](mailto:lekn@gh.gl) uunga kopiilerlugit [landstinget@gh.gl](mailto:landstinget@gh.gl).

Med venlig hilsen

Lene Knüppel  
Landstingsmedlem